

石耕文集
二

宋拓耕文集卷二

仙籟館草

庚子

友人有箴予汎覽妨舉業者聊用解嘲

束髮受一經先誦孔門語仰望想羣賢聰明天獨予神行必破空
非可徑途取及觀師所教兩言竟其緒賜也識既多一貫行授汝
乃知六藝經身百家悉包舉千秋萬葉繇大本成如許後世尚制科
內外乃齟齬糟粕竊儒先謬將正學誦嗚呼六經亡子史安足去

其二

士不窮古今快意取青紫百問如啞鍾公卿欲愧死汲古綆欲修
昔我聞韓子上窺姚姒前下與百氏齒俯仰四千年雙目光清泚
如沂滄海舟雲濤乃觀止水碧與金膏所寶世希比我今偃一廬
功名垂萬里將書當遠游庶讀等身矣聖學有云云請俟他年議
效張船山體

浩蕩誰憐萬里游少年落魄恨難收飢寒碌碌書何用歌哭茫茫

醉未休世故人穿珠九曲名心我把筆雙鉤春來漸恐朱顏改猶
為梅花寫古愁

小園春霽

過雨天沐青初陽射林隙竹溜鳴石根花枝倚苔壁
濕煙白尚低軟風簾外散妙髮剪桃枝飢雀啄梅瓣
屐痕碎細苔歌帽出花左小蝶繞衫飛啼鶯移樹坐
春蘭貴抵金焚香對清几小硯安竹邊清茶啜花裏

柴門剝啄無嬌鳥聲
歷歷麗春笑日開
木筆供詩折

晨起漫題

短夢寥寥薄醉存
紅通簾簿已朝暾
春風着樹梅飛辨
夜雨翻泥

休泊

竹露根道氣燒香烟
不散詩情試硯水
微溫何人解領閑中味
剝啄聲還未到門

困人天氣眼難開
曉醒先呼茗一盃
埽石帶些餘雪去
鉤簾飛却
遠山來青生戶外
簷交竹素點書間
几落梅稍喜晝清無
俗累花

前小坐把詩裁

近日盛行袁蔣趙三家詩予玩之數四輟題

我愛心餘想見之烟霞骨性雋同時明明廿九年頭悟佛地三生
筆一枝

隨園太把性灵抒但見聰明不見書兒女情山水福晚看長庚
意何如

第三人果在陽湖氣健其如語帶粗白說燒丹膏去垢燒成豆許

牙文卷二

火青無

題船山集

岷峨西山漢江東不斷風流在此中
好色語寔名士累能詩才故
本朝雄長留有集先誰付速死曾祈
宦竟終莫怪晚來佳思減
蕉梢從古舞難工

春日書懷

梅花笑我又閑眠不逐春風去
着鞭白日堂堂驚馬齒紅塵汨汨

惜鴛肩身緣賤久渾無賴事到言難只自憐莫漫看雲更惆悵昔
人曾已問青天

論才何必絀當時算到名場却可疑竹筇銳能穿土出泉流高恨
下山遲求人肯費書三篋累我還忙筆一枝只有鳴鳩兼乳燕年
年如助感春詞

一度春來賦北征長安空憶看花行青蠅萬里將誰附大鳥三年
又不鳴暫倚朱顏能作達迴瞻白髮又關情雄心落却杯中酒可

是江東阮步兵

我生難吐氣如虹且抱心平與水同無事客來唯賭醉有時詩出
共稱工行藏道漫商漁父得失機難悟塞翁偶對唐花數年少為
人勉強作春紅

詠史

漸離連擊筑壯士摧心肝雍周琴未撫貴人亦淚彈所感一音耳
悲來若無端精神要迸人聞者故沈瀾當時况魯連偉然儒衣冠

浩氣貫長嶽清風迴素湍
捐軀電激詞義冰俱寒
有此天下士
西帝何可干
談笑虎狼走千秋節大難

見留侯圖像因憶前下邳詩別成二絕

副車雖碎恨難消
海內風雲一動搖
君看祖龍從此死
漫云孺子
釁空挑

博浪椎秦竟滅秦
赤松風月晚全真
英雄魄力神仙骨
不信生如

美婦人

宋文

卷二

1

東城行

風雲摩盪豪傑起成與不成皆天耳隆準居然斬蛇興重瞳反作
沐猴死玉玦三示玉斗來鴻門一縱鴻溝開丈夫不視机上肉此
非沛公諸將才當時舉事誰優劣得鹿者興失者滅烏江亭長知
何人一劍無生千載烈漢廷腐史司馬遷不識楚亡真有天灘上
大風夜潰圍何以垓下獨不然以才則項喑鳴雄以德則劉嫚罵
上一着贏贏輸亦天意劉氏欲西項氏東

僮約

朱門雖艷苦紛紜得近詩人想亦欣讀罷所須茶緩急吟濃母以
飯殷勤新培稚竹根須護舊買名花種好分俗客如來請迴駕一
鑪香更畫中薰

答賓效高達夫封邱縣

作

歎現宰官我非佛十年書又欠讀律神仙地位才更難父母恩情
語且勿大道行將小試微意未謂薄恐弗勝單父鳴琴古則可今

日行之大相左白水千人共飽難青天萬事無情頗苦望新來更
然吏無良良匪便蒼生福薄霖雨我且長為在山泉

讀漢高帝紀連類為詠史五章

一劍痕漂戰血紅天成赤帝屈重腫長城骨始收明月薄海威齊
拜大風出手獨游蛇斷怪昧心諸將狗論功平生膽落雁門宴話
到杯羹奈若翁

不到輪臺悔揔遲雄心況席兩朝資神仙氣汰秦皇帝戰伐塗窮

李貳師誰信歲星真侍側漫勞封禪重求祠茂陵容易秋風冷落
葉哀蟬更可悲

痛哭泉鳩起即真西京不屬放桐身蟲鏤有字歸天命日蝕何辜
慘大臣六吏循良千古最三公變理一朝新他年背上消芒刺便
斬功宗亦忍人

冰雷合沓助真王白水龍王又發祥撫仕金吾聊意想威名銅馬
已光光茲雄運轉周官却識緯天開漢道昌誰肯客人加足卧思

來一帳為糟糠

傷元

乾坤赤伏欲符收
坐令黃巾徧九州
自倒太阿常侍爵
太陽原氣
黨人鈎錢神臭穢
遺台鼎市道屠酤
辱袞旒豈待當塗
高應識分

明幽厲踵亡周

春怨和芝山

春風簾幙晝沈沈
燕雀無言各在林
頃刻花齊驕富貴
許多柳不
繫光陰
時名豈抵尊前醉
古意聊傳筆下吟
銷得鬢絲烟縷縷
司

勳莫怪又傷心

湖上春興答蘭士

潑灩波環第二橋
橋邊門掩綠蕭蕭
花因雨過流紅淚
竹亦臨池作白描
鵲橫斜分壁畫
蝶衣顛倒受風飄
年光好處園居樂
莫怪襟痕酒不銷

雨夜遲友人叙別

人生易病癡
久處難為別
所以桑下緣
佛氏不輕結
念君當有行

言就今宵訣急雨忽西來窗竹聲嗚咽初聞成恨人再計轉心折
解事石^尤風泥君東門轍當雨君到難不雨君行決正恐雨速晴
天明君愁絕

游麥斜岩

鑿開山腹石為門石頂孤松秀壓人岩峭卻連修竹勢地寒偏占
牡丹春千尋翠壁橫雲錦萬乳清泉吐水銀休說洞天三十六此間
端可脫紅塵